

Zeitschrift: L'ami du patois : trimestriel romand
Band: 29 (2002)
Heft: 118

Artikel: Intrè no - intrè là
Autor: Echèva, Luvì
DOI: <https://doi.org/10.5169/seals-244472>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 13.03.2025

ETH-Bibliothek Zürich, E-Periodica, <https://www.e-periodica.ch>



Pages fribourgeoises

INTRÈ NO--INTRÈ LÀ

Avui la bordzenâ dou furi li ya achebin d'ôtro j'invide ke dzêrnon din le kâ di pèrchenè.

Lè j'enè rèvouèton chin ke l'an fê outre l'evê, di j'enè moujon a ti lè travô ke fô inkotchi le furi po le tsôtin; po l'outon, ke pointon djora dèri lè nyolè è dèjo le chèlà. L'è on bokon chin ke l'an fê è fan chtou dèri tin lè patèjan d'Intrè no.

Ne chè chon pâ tan tranchi ! Chè chon rathinbyâ po vouitchi lou minâdzo, dzuyi i lotô, i kârtè, fère on bokon dè bochon è marindâ intrè-là, on kou din l'an. Akutâ tsantâ lou kâ, chi kâ ke rèkordè dza du l'a thin k'an è ke kontè mé dè karanta tsantèridè è tsantèri.

Vo lè j'i oyé ! No lè j'i oyu ! i tsanton bin mé tyè ke tsantolon, tyè voli-vo ? dejè la badyèta d'on sèrjan dè mujika è dè chè apoyà li a bin ôtyè ke dè dzèrnâ è brèchi.

Hou tsanthon dè Tsalandè è dou payi apri thin j'evê dè rèkordè, l'an j'ou invide dè lou chayi on bokon kemin lè pekôji chayon le furi.

L'è vè le Valè ke l'an diridji hou j'invide è l'è j'ou a Fully din le Hôme ke chon j'ou tsantâ.

Le 15 dè mé, on bi dzoua dè chèlà è dè furi, on kâr bin menâ pèr on chôfeu dè rèthèta no menâvè din chi fon dou Valè pri di vinyoubyo è di dzordi dè chi payi dè frete è dè vin.

No j'iran atindu po li tsantâ on tro la mècha in latin è in patè avui di tsan dou payi in mimo tin tyè le vèro de l'amihyâ di patèjan dè Fully. Derin ha rinkontra, di bouné parolè iran adrèhyè pè le direkteu dè chi hôme, pè nouthron prèjidan Dzojè Oberson, pè nouthron bochè è nouthron prèjidan di

patêjan dou tyinton, Francis Brodâ. Di parolè vihyè d'amihyâ kemin di dzakiyon è di bredzon dè j'èthèlè !

Ha rinkontra ke no j'anournê avui na bouna mouâcha è bin abrèvâ, ou kâ di dzordi è di vinyè dè Mazembroz bânyi pè le mimo chèlà ke no j'a markâ d'on bi chovinyi è don rè mârhyèmin i j'ogarnijateu dè ha dzornâ di thin k'an dè nouthron kâ mikchte.

A totè, a Ti, bouna chindâ è bon tsôtin.

Luvi Èchèva : chekretéro d'Intrè no



Èmi patêjan d'la Charna

Apri lè novalè a Luvi, puchke n'in d'é lè moyin, i rètsàdo la choupa por Intrè no. A ti lè minbro, novi è anhyan, " N'oubyâdè pâ hou duvè dâtè ". *La demindze 23 dè jouin, du 11 arè, no j'arin nouthron pik-nik a la route dè Tsejalè a Marly, kabâna di chochyètâ. Vo prindè a medji, Chu pyèthe vo travèri a bère a bon pri. Le 18 dou mi d'ou, l'y arè la dzornâ di patêjan a Vounetz, avui la mècha è di produkchyon. Po le richto dè l'an, no vo j'invouyèrin on papê kan cherè le momin.*

Mè moujo k'vo j'y apèchu k'lè j'èmichyon dè patê l'an rèprè dè pye bala a radiô-Friboua. Fèlichitachyon a hou k'l'an rèbetâ in kyô.

In n'atindin dè vo rèvère, vo kouâjo on galé furi, hyori è d'joyà, pèrmi la brijon di chenayè ke rèthrenon ou dètoua di bri.

Le prèjidan : Dzojè Oberson